

Qishloq hayoti

O'zbekiston Respublikasi ijtimoiy-iqtisodiy gazetasi

2020-yil 24-noyabr, seshanba 63 (9100)-son

e-mail: info@qishloqhayoti.uz

ҚОНУН ҲУЖЖАТЛАРИДАН АҲОЛИ ҚАНЧАЛИК ХАБАРДОР?

Миллий матбуот марказида Адлия вазирлиги томонидан "Адолат" миллий ҳуқуқий ахборот маркази фаолияти ва унга юклатилган вазифалар, "Очиқ Адлия" тизими моҳиятига бағишланган матбуот анжумани ташкил этилди.

Қонунлардан ўз вақтида хабардор бўлиш бугун ҳар қачонгидан-да зарур. Шу билан бирга, уларга амал қилиш мажбурияти ҳам муҳим саналади. Қонунлар ишлагандагина уларнинг тарғиботидан маъно бўлади. Қонунга итоаткорликка чақириб турса, фуқаролар ўз кундалик ҳаётида бошқа манзарани кўрсатса, унда қонунга бўлган ишонч сўнади.

Бугун ушбу қонун ҳужжатларидан аҳоли қанчалик хабардор? Тарғибот тадбирлари ўзини оқлаётими? Адлия вазирлиги бу борадаги мавжуд камчилик ва муаммоларни таҳлилий ўрганиб чиқди.

Таҳлил натижалари, биринчи навбатда, давлат хизматчиларининг ҳуқуқий саводхонлиги ва ҳуқуқий маданияти етарли даражада эмаслиги устида ишлаш зарурлигини кўрсатди. Чунки миллионлаб аҳолининг ўз ҳуқуқларини билишини ортдан қувишдан кўра, давлат органларида қонунийликни таъминлаган афзалроқ. Давлат органлари ва хизматчилари ўз вазифаларини тўғри бажариши, фуқаролар ҳуқуқларини поймол қилмасликка керак.

Яна бир муаммо, ноқонуний қарорлар қабул қилиш амалиётининг мавжудлигидир. Бу ҳолат маҳаллий дав-

лат ҳокимияти органлари фаолиятида кўпроқ кузатилади.

Шунингдек, аксарият вазирлик ва идоралар ўзларига тегишли қонун ҳужжатларини аҳолига тўғри тушунтириш масаласига иккинчи даражали иш сифатида қараб келмоқда. Ҳуқуқий ахборотни тарқатишда, уларнинг мазмун-моҳиятини аҳолига тушунтиришда оммавий ахборот воситаларининг, журналист ва блогерларнинг роли бениҳоя катта. Бироқ айрим ҳолларда талқин қилинишидаги ноаниқлик оқибатида жамоатчилик фикри чалғиши аҳолининг давлат органларига ишончсизлигига олиб келиши мумкин.

Мавжуд муаммоларни бартараф этиш ва ҳуқуқий маданиятни янада юксалтириш мақсадида Адлия вазирлиги томонидан давлат органлари мансабдор шахсларининг масъулиятини, уларнинг қонунга итоаткорлигини янада ошириш бўйича зарур чоралар кўрилмоқда.

Ҳуқуқий ахборот тарқатишни кучайтириш мақсадида Адлия вазирлиги қошидаги "Адолат" миллий ҳуқуқий ахборот маркази ташкил этилди. Мазкур қарор асосида марказга ҳуқуқий ахборотларни тарқатиш, тарғибот йўналишида креатив гоялар асосида, замонавий

стандартларни қўллаган ҳолда, ўзгача ёндашувлардан фойдаланиш каби муҳим вазифалар юкланди.

Ишсиз аёллар ва ёшлар, камбағалликка қарши кураш, ногиронлар, мигрантлар ва бошқа ижтимоий қатламларни қамраб олишга эътибор кучайтирилмоқда. Аёлларга нисбатан тазйиқ ва зўравонликнинг олдини олиш мақсадида "Гендер-мадад" ҳуқуқий маслаҳат портали ишлаб чиқилди. "Шу ерда ва ҳозирроқ" тамойили асосида фуқароларга барча долзарб ва зарур ҳуқуқий маълумотларни тақдим қилувчи янгиланган e-maslahat.uz интерактив ҳуқуқий порталини такомиллаштириш кўзда тутилган.

Пандемия вақтида ҳам улар учун долзарб ва кундалик ҳаётда кўп дуч келинадиган ҳолатлар бўйича вазирлик веб-сайтида 21 та йўналишни ўз ичига олувчи алоҳида "Сураган эдингиз" бўлими очилди. Фуқароларга масофадан туриб саволларига жавоб олиш имкониятини яратадиган телеграм мессенжериди @huquqiy_maslahatbot, @notariusmaslahatbot, @davxizmatloqa_bot каби телеграм ботлари ишга туширилди.

Шунингдек, барча аҳоли қатламла-

рини бепул ҳуқуқий маслаҳат билан таъминлашни назарда тутувчи 5 та ҳуқуқий портал (advice.uz – e-maslahat.uz, Миллий ҳуқуқий интернет портали, bolahuquqlari.uz, test.adliya.uz, hudud24.uz) ҳамда тадбиркорлар учун бепул ҳуқуқий маълумот ва маслаҳат оладиган "Advice for business" юридик портали ҳам ишга туширилди.

Шу билан бирга, исталган вақтда ҳуқуқий маълумот билан танишиш имкониятини кенгайтириш мақсадида Ўзбекистон қонун ҳужжатлари миллий базаси – "LexUZ" фаолияти ҳам янада такомиллаштирилди. Бир кунда Lex.uz сайтидан 45 минггача одам фойдаланмоқда.

"Мадад" нодавлат ташкилоти ва унинг ҳудудий бюрослари томонидан 12 мингга яқин саволга, "Advice.uz" ҳуқуқий ахборот портали орқали 60 мингдан ортиқ саволларга онлайн режимда жавоб берилган. Сайёр ҳуқуқий маслаҳат бериш тизими йўлга қўйилиб, вазирлик раҳбарияти томонидан бевосита ҳудудларда ўтказилган 40 дан ортиқ сайёр қабуллар жараёнида жами 3 минг 799 нафар жисмоний ва юридик шахс қабул қилинган.

Вазирлик томонидан имконияти чекланган, кўзи ожиз шахсларга ўз ҳуқуқларини тушунтиришга қўмаклашиш мақсадида грант маблағларини жалб қилган ҳолда кўзи ожиз шахсларнинг ҳуқуқларига оид 2 томдан иборат норматив-ҳуқуқий ҳужжатлар тўплами брайл алифбосида 2 минг ададда нашр этилди ва у кўзи ожиз шахсларнинг ҳуқуқларига оид 29 та қонун ҳужжатларидаги нормаларни ўз ичига олган.

Нурилло НАСРИЕВ,
ЎЗА муҳбири.

Ўзбекистон ва Афғонистон ўртасида навбатдаги меморандум имзоланди

АИР ҳукумати делегациясининг Тошкентга ташрифи чоғида Афғонистон Олий таълим вазирлиги ва Ўзбекистон Республикаси Олий ўрта махсус таълим вазирлиги ўртасида афғон талабаларини Ўзбекистонга таълим олиш учун юбориш тўғрисида ўзаро англашув Меморандуми имзоланди.

Маросимда Бош вазир ўринбосари Сардор Умурзоқов ва АИР Президенти Администрацияси раҳбари Муҳаммад Шокир Коргар иштирок этди.

Имзоланган Меморандумда икки мамлакат олий ўқув юртлари ўртасида ўқув материаллари алмашиш, таълим тадбирларида мутахассисларнинг ўзаро иштирокини таъминлаш, илмий-тадқиқот ишларида ҳамкорлик қилиш ва илмий журналларда нашр ва мақолаларни биргаликда тайёрлаш шартлари, тартиби белгиланган.

Эслатиб ўтамиз, таълим соҳасида ҳамкорлик, жумладан, олий таълим муассасалари ўртасида алоқаларни янада кенгайтириш бўйича келишувга ҳукуматимиз делегациясининг Афғонистонга октябрь ойида амалга оширилган ташрифи чоғида эришилди.

Таълим соҳасидаги ҳамкорликнинг бугунги ҳолати ҳақида гапирганда шуни таъкидлаш лозимки, Ўзбекистон Республикаси Вазирлар Маҳкамасининг 2017 йил 13 ноябрдаги "Ўзбекистон Республикаси Олий ўрта махсус таълим вазирлиги ҳузурида Афғонистон фуқароларини ўқитиш таълим маркази фаолиятини ташкил этиш тўғрисида"ги қарорига мувофиқ, Сурхондарё вилояти Термиз туманида Афғонистон фуқароларини ўқитиш маркази фаолият юритмоқда. 2018-2019 ўқув йили давомида марказда 96 талаба "Ўзбек тили ва адабиёти" йўналиши бўйича таҳсил олиб, уларнинг барчаси Алишер Навоий номидаги Тошкент давлат ўзбек тили ва адабиёти университети бакалаври даражасига эга бўлди.

Ҳозирги кунда марказда 172 нафар, жумладан, "Ўзбек тили ва адабиёти" йўналиши бўйича 119, "Ер усти транспорт тизимлари ва уларнинг эксплуатацияси" йўналиши бўйича 35, "Акушерлик, гинекология ва ҳамширалик иши" йўналиши бўйича 18 талаба таҳсил олмақда.

Бундан ташқари, шу йилнинг декабрь ойида афғонистонлик ёшлардан 10 нафари Европа Иттифоқи молиявий кўмаги асосида қишлоқ хўжалиги йўналишида таҳсил олиш учун юртимизга келиши режалаштирилган.

ЎЗА

Сурхондарё вилояти

Шеробода анорчилик кластери ташкил этилади

Сурхондарё вилоятининг Шеробод тумани ўзининг шириндан-шакар анорлари билан машҳур.

Бу ерда етиштириладиган анорларнинг доврўғини билмайдиغان, эшитмаган одам бўлмаса керак?!



Шеробод анорлари нафақат ички бозорларда, балки хорижда ҳам маълум ва машҳурдир. Айни пайтда туманда куз неъматининг кўллаб турлари парвариланган. Қувонарлиси, етиштирилган ҳосилнинг ички эҳтиёждан ортган қисми хорижда ҳам экспорт қилинаётир.

Айтиш жоизки, бугун ҳудудда анор етиштириш, саралаш ва қайта ишлаш кенг йўлга қўйилмоқда. Хусусан, "Шеробод анор импекс" масъулияти чекланган жамияти ҳам айни шу ниятда фаолият олиб борапти.

Олий Мажлис Қонунчилик палатаси Спикери ўринбосари, O'zLiDeP фракцияси раҳбари Ақтам Ҳайтов Сурхондарё вилоятига ташрифи чоғида ушбу жамиятда бўлиб, корхона фаолияти билан яқиндан танишди.

Жамият раҳбари Дилшодбек Қамбаровнинг айтишича, ҳозирда корхона 82 гектар ер майдонда анорзор ташкил этиб, уларни парвариллаб келмоқда. Шунингдек, корхонага Корея давлатидан анорни калибрлаш мақсадида махсус ускуна ҳам олиб келинган бўлиб, унинг ёрдамида экспортбоп анорларни аниқлаш ва қадоқлаш мумкин.

– Ушбу ускуна аҳоли томорқалари ва фермерлар билан кооперация алоқалари асосида туманда етиштириладиган анорни экспортга тайёрлайди, – дейди Д.Қамбаров. – Энг муҳими, бир ойда 2 минг тонна анорни калибрлаш қилиб, замонавий услубда яроқчилигини текширади.

Учрашув давомида корхона раҳбари анор шарбатини ҳам тайёрлашни йўлга қўймоқчи эканини, бунинг учун Словениядан ускуна олиб келишни режалаштираётганини билдирди. Қолаверса, яна 500 гектар ер олиб, анорчилик кластерини йўлга қўймоқчилигини айтиб, етиштирилган маҳсулотларни Россия ва Болтиқ бўйи давлатларига экспорт қилиш ниятида юрганини маълум қилди.

Сухбат ва мулоқотлар чоғида А.Ҳайтов мазкур ташаббусни қўллаб-қувватлаб, бундай анорзорларни вилоятнинг бошқа туманларида ҳам етиштириш, кўчатчиликни кенгайтириш, экспортбоп анор навларини ўзлаштириш бўйича зарур таклиф ва тавсиялар берди.

Учрашув якунида тадбиркорлик фаолиятини янада кенгайтириш учун Ўзбекистон фермер, деҳқон хўжаликлари ва томорқа ер эгалари кенгаши ҳузуридаги Фермер, деҳқон хўжаликлари ва томорқа ер эгаларини қўллаб-қувватлаш жамғармаси ҳисобидан молиявий ресурслар ажратиладиган бўлди.

O'zLiDeP Сурхондарё вилояти кенгаши
Матбуот хизмати.

Бухоро вилояти

Ҳар бир мурожаат ижроси назоратга олинди

Бухоро вилояти ҳокими вазифасини бажарувчи Ботир Зарипов Олот туманида оммавий сайёр қабул ўтказди.

Вилоят раҳбари томонидан сайёр қабулда нафақат Олот тумани, балки унга ёндаш туманлар, вилоятнинг бошқа ҳудудлари аҳолисининг турли соҳаларга оид муаммолари, талаб ва таклифлари эшитилди.

Қабулда фуқароларнинг қонуний манфаатларини ҳимоя қилиш, уларни қийнаётган муаммоларни бартараф этиш, адолатли қарор топтиришга алоҳида эътибор қаратилди. Уй-жой қуриш учун ер ажратиш, моддий ёрдам, пенсия, болалар нафақаси, ишга жойлашиш, банк-мо-

лия, солиққа тортиш, табиий газ, электр энергияси, ичимлик суви таъминотидаги узилтишлар, соғлиқни сақлаш, коммунал хўжалик, йўлларни таъмирлаш, таълим соҳасидаги муаммолар, тадбиркорликни ривожлантириш юзасидан 126 нафар фуқаронинг 300 га яқин мурожаати секторлар раҳбарлари, вилоят корхона ва ташкилотлари мутасаддилари иштирокида бирма-бир муҳокама қилинди. Фуқароларнинг 47 нафарини шахсан вилоят ҳокимининг ўзи қабул қилди.

(Давоми 2-саҳифада)

Жиззах вилояти

"Jizzax Organic"нинг дадил одимлари

Ўзбекистоннинг энг йирик қишлоқ хўжалиги кластери бўлган "Jizzax Organic" ҳудуди бўйлаб саёҳатни бош чорвадор Родни Дж. Гилфорд олиб борди. Жорий йилнинг октябр ойи якунида Зомин туманида фаолият кўрсатаётган "Jizzax Organic" инвестицияларининг умумий ҳажми 62 млн. АҚШ долларини ташкил этди. Бунинг натижасида 850 дан ортиқ маҳаллий аҳоли доимий иш билан таъминланди.

Дастлаб журналистлар учун корхона штабида матбуот анжумани ташкил этилди. Унда "Jizzax Organic" раҳбарияти ва вилоят ҳокимлиги вакиллари томонидан лойиҳа ҳақида маълумотлар бериб ўтилди.

(Давоми 2-саҳифада)



Наманган вилояти

23 НОЯБРЬ – ВАТАНПАРВАР ТАШКИЛОТИ ХОДИМЛАРИ КУНИ

Соғлом муҳит, эътибор ва рағбат муваффақиятлар асосидир



Ўзбекистон мудофаага кўмаклашувчи “Ватанпарвар” ташкилоти тизимида фаолият кўрсатаётган кенгашлар ҳақида гап кетгудек бўлса, Аҳмаджон Аълохўжаев раҳбарлик қилаётган Наманган вилояти кенгаши фаолияти алоҳида эътироф этилади. Албатта, бу бежизга эмас. Раҳбар салоҳияти, тизимда яратилган соғлом муҳит, фидойи соҳа ағаларига кўрсатилаётган эътибор, рағбат, жамоат ташкилотлари билан йўлга қўйилган ҳамкорлик наманганлик ватанпарварчилар қўлга киритаётган ютуқларнинг асоси бўлиб хизмат қилаётир. Бу ҳақда кенгаш раиси, халқ депутатлари вилоят кенгаши депутати Аҳмаджон Аълохўжаев мухбиримизга қуйидагиларни сўзлаб берди:

сидан фойдаланган ҳолда тўлиқ талабларга риоя қилинган ҳолда амалга оширилди. Ҳар бир ўргатувчи усталар махсус ҳимоя кийимлари, тиббий ниқоб, қўлқоп ҳамда антисептик воситалар билан таъминланди. Шунингдек, автотранспорт воситалари кунлик дезинфекция қилиниб, ўқувчилар ниқоб ва қўлқоп кийган ҳолда амалий машғулотларга жалб қилинмоқда.

Кенгаш тасарруфидаги Наманган шаҳар ўқув спорт техника клуби, шунингдек, Норин ва Учкўрғон тумани ўқув спорт техника клубларида кўшимча ўқув бинолар қурилиб, фойдаланишга топширилди. Бу каби ишлар давом эттирилиб, ҳозирда Янгиқўрғон тумани ўқув спорт техника клубида



кўшимча янги ўқув бино қуриш ишлари режалаштирилди.

Автомобил саройини автомобиллар билан бойитиш мақсадида яна 30 дона Дамас, Нексия-3, Спарк, Ласетти каби энгил ҳамда юк автомобиллари сотиб олинди.

Туман ва шаҳар ўқув спорт техника клублари ҳамда ўқув муассасалари қошида 58 та секциялар фаолият юритмоқда. Уларда 32 нафар мураббий 712 нафар ёшларга маҳорат сирларини ўргатмоқда. Ўтган давр мобайнида долзарб мавзуларда 300 га яқин маънавий-маърифий тадбирлар ўтказилди. Иккинчи жаҳон уруши қатнашчилари, байналмилалчи жангчилар, Ўзбекистон мустақиллигини ҳимоя қилиш йўлида жонини фидо қилган ҳарбий, божхона ва ички ишлар ходимлари оиласи аъзолари ҳолидан хабар олинди, совғалар улашилди.

Мамлакатда спортнинг барча турларини ривожлантириш, ўсиб келаётган ёш авлодни жисмонан соғлом тарбиялашда муҳим ишлар амалга


оширилмоқда. Бу борада кенгаш ва унинг тасарруфидаги ташкилотларда ёзги олимпиада ўйинлари дастурига киритилган “Ҳаво милтиғидан ўқ отиш”, “Триатлон”, “Ёзги биатлон”, “Дуатлон”, “Моделсозлик”, “Ракета-модел”, “Авиамодел”, “Эркин учувчи авиамодел”, “Корд авиамодель”, “Радиоспорт”, “Картинг”, “Автоспорт”, “Автомобил”, “Автомобил ҳалқа пойгаси”, “Мотоспорт”, “Парашют”, “Ҳарбий амалий кўпкураш” спорт турлари бўйича тўғрақ ва секциялар фаолияти самарали йўлга қўйилган.

Президентимизнинг жорий йил 24 январдаги “Ўзбекистон Республикасида жисмоний тарбия ва спортни янада такомиллаштириш ва оммалаштириш чора-тадбирлари тўғрисида”ги фармонида “2020 йилдан бошлаб, “Ватанпарвар” ташкилотининг таркибига кирувчи авторалли ва мотокросс спорт мусобақаларини тизимли ўтказиш орқали спорт туризмни ривожлантириш” йўналиши белгилиб берилди. Ушбу Фармоннинг ижроси йўлида Учкўрғон тумани ўқув спорт техника клуби қошида халқаро стандарт талабларига жавоб берадиган умумий узунлиги 1050 метр бўлган уч йўналишли замонавий картодром барпо этилди. Яқинда ушбу картодромда “Картинг пойгаси” бўйича Ўзбекистон чемпионати ва биринчилиги мусобақаси ўтказилди. Унда Қорақалпоғистон Республикаси, вилоятлар ва Тошкент шаҳридан 150 нафарга яқин спортчилар иштирок этди. Халқаро трасса ва мусобақанинг очилиш маросимида Наманган вилояти ҳокими Шавкатжон Абдуразоқов, Ўзбекистон мудофаасига кўмаклашувчи “Ватанпарвар” ташкилоти Республика техник ва амалий спорт турлари маркази бош

Тасарруфимизда 12 та ўқув спорт техника клуби ва вилоят техник ва амалий спорт турлари маркази фаолият кўрсатиб келмоқда. Ёшлар ва фуқароларни маънавий-ахлоқий ва ҳарбий-ватанпарварлик руҳида тарбиялаш, уларнинг онгига ватанпарварлик, ватанга муҳаббат, меҳнатга масъулиятли муносабат, ҳарбий хизматга ҳурмат туйғуларини синдириш, спортнинг техник ва амалий турларини ривожлантириш, оммалаштириш, спорт ташкилотлари ва жамоалари фаолиятига кўмаклашиш, болалар, ўсмирлар ва чақирувгача бўлган ёшлар ўртасида оммавий спорт ишларини ташкил этиш, ёшлар ва фуқароларни мудофаа соҳасидаги бошланғич билимларга ўқитиш ва уларни ҳарбий хизматга тайёрлашда давлат ҳокимияти органларига кўмаклашиш, автотранспорт воситалари ҳайдовчиларини, шунингдек, оммавий техник касблар мутахассисларини тайёрлаш, қайта тайёрлаш ва уларнинг малакасини ошириш каби олиб бораётган фаолиятимизнинг асосини ташкил этади. Қолаверса, шундай йўналишлар бўйича фаолият юритаётган халқаро ташкилотлар билан фаол ҳамкорлик қилиш ҳам асосий йўналишларимиздан этиб белгиланган.

Ўзбекистон Республикаси Вазирлар Маҳкамасининг 2018 йил 31 майдаги “Автотранспорт воситалари ва шаҳар электр транспорти воситалари ҳайдовчиларини тайёрлаш, қайта тайёрлаш ҳамда уларнинг малакасини ошириш бўйича нодавлат таълим хизматлари кўрсатиш фаолиятини лицензиялаш тартибини янада такомиллаштириш чора-тадбирлари тўғрисида”ги қарори ижросини таъминлаш борасида кенг қўламада ишлар олиб борилаётир. Барча ўқув ва спорт ташкилотларимизнинг назарий, амалий ўқув хоналари замонавий кўринишда, Низом талаблари асосида, инновацион услубда тўлиқ жиҳозланган. Таълим олаётганларнинг уч ўлчамли анимация эффеклари ва видеоконтентга эга кўринишдаги электрон ўқув қўлланмалардан кенг фойдаланишлари учун барча ўқув хоналари интернет тармоғига уланган ҳамда худудларда WiFi зоналари ташкил қилинган.

Карантин вақтида ҳайдовчиликка номзодлар учун назарий дарс машғулоти онлайн тартибда, янги “E-AVTOMAKTAV” платформа-



Андижон вилояти

Бўстонлик Баҳодир

КИШЛОК МУЛҚДОРЛАРИ

Бугун Андижон вилояти далаларида ҳам ишлар қизгин. Қай гўшага борманг, барчасида қишлоқ ҳаётидаги жадал юмушларнинг гувоҳи бўласиз. Шу топда йўлингиз тушиб, Бўстон туманидаги Баҳодиржон Қодиров раҳбарлик қилиб келаётган “Ферузбек-Қодиров” номли кўп тармоқли фермер хўжалигига ташриф буюрсангиз, атрофнинг саранжом-саривотлигини кўриб қўзингиз қувнайди, қалбингиз яйрайди. Бу ободончиликнинг сабабчиси ким экан-а, дейсиз, беихтиёр, худди мен каби чиройли манзарани кузатиб.

Қишлоқ мулкдори бўлган фермернинг бу сая-ҳаракатларига офарин дегим келади. Бундай яшнатувчанлик фазилати қалби зуғуликка тўла кишилардагина бўлади. Шу сабаб хўжалик раҳбари Баҳодиржон Қодиров изланиб ишлашнинг самарасини яхши билади. Тасарруфидаги 125 гектарлик дала майдонидан унумли фойдаланиш унинг олий мақсади. Яхши ниятлар билан йил бошида 52 гектар майдонни пахтага ажратган эди. Ўтган пахта йигим-терими мавсумида 220 тонна “оқ олтин” териб олиниб, фермер хўжалигининг давлатга пахта топшириш шартномавий режаси ошириб адо этилди. Ҳозирда 26 гектарга ғалланнинг “Васса” нави жойлаштирилган бўлиб, сентябрда сепилган бугдой бугун дуркун ривожланмоқда. Айни пайтда хўжалик ишчилари бугдой майсаларини ўз вақтида суғориш билан бирга, минерал ўғитлар билан озиклантиришга алоҳида эътибор қаратишган. Ғалла майдони атрофларини четан билан ўраб, маҳаллий ўғит ҳам жамғариб қўйишган.

– Бугдой майсаларини минерал ўғитлар билан озиклантириш келгусида мўл ғалла етиштиришда аҳамиятлидир, – дейди Баҳодиржон Қодиров суҳбатимиз чоғида. – Уй-лайманки, бу каби агротехник тадбирларимиз албатта ўзини оқлайди. Келажақда ғалладан мўл хосил йиғиб олишга ишончим комил.

Чиндан ҳам хўжаликда олиб борилаётган ишлар талайгина. Шу уринда хўжаликнинг чорвачилик тармоғини мисол қилиш мумкин. Бу ерда 197 бош наслдор қорамоллар кўпайтирилмоқда. Уларнинг 76 таси сиғир бўлиб, кунига 1000 литрча сут соғиб олинади. Чорвани узлуқсиз ем, хашак билан таъминлаш мақсадида 10 гектарлик бездор ташкил этилган. Яратилган қулайликлар чорванинг ривожланиб, кўпайишига замин ҳозирламоқда. Пировардида чорвадан олинажак сут маҳсулотининг муҳим таянчи. Буни дилдан ҳис этган фермер доимо изланишда. Унинг бошчилигида хўжаликда меҳнаткашлар учун зарур шарт-шароитлар муҳайё қилинган. Ошхона, сувчилар хонаси, дам олиш хонаси, меҳмонхона ишчилар иختиёрида. Уларга ҳар кун тушликда иссиқ овқат ташкил этилган. Яратилган қулай афзалликлардан руҳланган ишчилар Муроджон Рўзиёв, Авазбек Боймирзаев, Ҳасанбой Низомов, Ғанишер Зайнобиддиновлар баҳамжихатликда ишлайдилар.

Ўз ўрнида хўжалик имкониятларидан оқилона фойдаланётган фермер Баҳодиржон Қодиров ишчи-меҳнаткашлардан қатъий тартиб интизомни талаб этади. Хўжаликда орттирилган тажрибаларни оммалаштиришга, бошқа фермер хўжаликлар билан ўзаро фикр алмашиш ишлашга ҳаракат қилади. Тумандаги “Сайёра фаввораси” хусусий корхонаси пахта тўқимачилик кластерининг молиявий масалалар бўйича директори сифатида ҳам самарали фаолият кўрсатиб келмоқда.

– Фермерлик тадбиркорлик ва ишлармонлик соҳалари билан бирлашиб, қишлоқ хўжалиги кластерига айланди ва ҳал этувчи кунга эга бўлди. Бу эса иқтисодий тизимнинг янада юксалишига хизмат қилмоқда, – дейди у.

Албатта, меҳнатга яраша рағбат ҳар доим ўз самарасини берган. Бу ушбу фермер хўжалиги фаолиятида ҳам ўз исботини топмоқда. Ҳозирда “Ферузбек-Қодиров” номли кўп тармоқли фермер хўжалигида яратувчанлик ва бунёдкорлик кайфияти ҳукм сурмоқда. Шундай кўтаринки, жўшқин кайфият фермер хўжалигининг янада юксалишига, ривож топишига олиб келади. Истиқболда хўжалик тармоқларининг тобора кенгайишига шубҳа йўқ.

Равшанбек МИРЗОЛИМОВ суҳбатлашди.

Илҳомжон ТОЖИБОЕВ

Бошқаларда қолдиришингиз мумкин бўлган таассуротларингизни ҳеч қачон камситманг!

МУТОЛАА ЗАВҚИ

Уйимизда телефон пайдо бўлганда, мен ҳали жуда кичкина эдим. Бунақа аппарат ҳали теварак-атрофда...

Кейинроқ бу аjoyиб қурилманинг қаеридадир “Маълумот беринг, илтимос” номли одам утиришини кашф этдим. Ва наздимда, у билмайдиган нарсанинг ўзи йўқ эди.

Мазкур “банка ичидеги жин” билан илк мулоқотим онам қўшиниқига чиқиб кетганида юз берди. Ертіўладаги асбоб-ускуналар дастгоҳи энди ўзимни оевунтириб ўтирганимда...

Мен оғриқдан лўқиллаётган бармоғимни сўранча уй бўйлаб юра бошладим ва охири зина ёнига келдим.

Бирдан телефон ёдима тушди! Дарҳол катта хонадаги табуретка ёнига чопиб бордим ва уни судраб телефон турган жойга олиб келдим.

Курсининг устига чиқиб, гўшакни жойидан чиқариб олдим ва қулоғимга тутдим. Сўнг шундоққина бошим устида турган усқуна микрофониға юзланиб, “Маълумот беринг, илтимос!” дедим.


Тугмачани бир-икки босганимдан сўнг қулоғимға аёл кишининг ингичка ва тинч овози эшитилди: “Сизни эшитами!”

Бармоғимни уриб олдим... – йилгазубе бўлиб арз қилдим мен телефонға. Энди мени эшитадиган кимдир борлигидани, кўзимға ёш тўлди.

“Уйда ҳеч ким йўқ, ўзимман, – йилгадим мен. “Қўлинг қонаяптими?”

– Йўқ – жавоб бердим яна. – Қўлимни болға билан уриб олдим, шунга оғриятти.

“Муҳонани оча оласанми?” – сўради у. Мен она олишимни айтдим. “Муздан озгина кўчириб ол-да, уни бармоғингға қўй”, – деган овоз келди.



ЭСКИ ТЕЛЕФОН

(Пол Виллард)

телефон қилиб, ҳамма нарса ҳақида сўрайдиган бўлдим. Бир сафар ундан география фанидан ердан беришини сўрадим ва у Филадельфия қаерда жойлашганини айтиб берди.

– Нега шундай чиройли кўйлаб, барча хонадонларға қувонч бахш этувчи кушлар ўлиши билан қафас ичидеги бир тутам патға айландилари керак?

– Бу гапдан сўнг негадир ўзимни анча енгил ҳис қилдим. Бошқа бир куни яна телефонни кўтардим:

– “Маълумот беринг, илтимос! “Эшитами!” – жавоб қилди таниш овоз.

– “Тузатиш” сўзини қандай талаффуз қиласиз? – сўрадим мен. Буларнинг барчаси Тинч океани шимол-ғарбидеги кичкинагина шаҳарчада бўлиб ўтаётган воқеалар эди.

Мен тўққиз ёшга кирганимда, биз мамлакатдаги бошқа шаҳар – Бостонга кўчиб ўтдик. Эски қадрдонимни жуда соғинардим. Негадир “Маълумот беринг, илтимос” дегўчи овоз соҳибаси жойлашган олдинги уйимиздаги ёгон кўчини кейинги хонадонимиздаги столдан жой олган баланд, ялтироқ янги телефонға сира ўхшашта олмасдим.

Ушмирилик чоғимда ҳам болалигимдан ёрқин хотира бўлиб қолган бу суҳбатлар ёди мени асло тарк этмади. Шубҳали ва қийин вазиятларда айни шу кўнгируқлар туфайли энди ўзимни хавфсиз ҳис этаётганимни сезардим.

Кичкинагина бир болани тинглаш бобида бу аёл қанчалар сабрли, тушунувчан ва меҳрибон бўла олганини ҳозир жуда яхши англайман ва унинг қаноатига таҳсинлар айтаман.

Бир неча йил ўтиб, ғарбдаги коллежда кетаётганимда, мен учаётган самолёт йўл-ўйлакай Сизтлда қўниб, у ердан бошқа рейсга алмашадиган бўлдим. Кейинги самолётға ўтиргўнимча бир ярим соат вақтим бор эди.

айта оласизми?” Гушакдан бир муддат овоз эшитилмади. Кейин эса мулоим оҳангдаги жавоб янгради: “Тахминича, шу вақтгача бармоғинг тузалиб кетган бўлиши керак...”

– Шундай қилиб, бу ҳалиям аниқ сиз эканлигингизни билдим! – дедим сўнг. – Қизиқ, мен учун гапларингиз қанчалар аҳамиятли бўлганини ҳеч хаёлингизга келтирганимиз?

– “Қизиқ, – деди у ҳам, – сен ҳам қўнгируқларинг мен учун қанчалар аҳамиятли бўлганини билганимиксан? Мен умуман фарзанд кўрмаганман, шу сабабми, қўнгируқларингизни кўриб яшайдан бахтиёр эдим.”

Мен ўтган йиллар давомида уни тез-тез эслаганимни айтдим ва оламниқига келганимда яна телефон қилишға рухсат сўрадим. “Албатта, қўнгируқ қўлаөөр, – деди у, – Сэлли деб сўрасанг, кифон.”

Уч ойдан сўнг Сизтлга қайтдим. Аммо бу сафар операторға қўнгируқ қилганимда, бошқа овоз жавоб берди. Мен Сэллин сўрадим.

– “Унинг дўстимизми?” – сўради маълумот берувчи аёл.

– “Ҳа, жуда қадрдон дўстиман”, – жавоб қилдим мен.

– “Сизға бунни айтишдан қаттиқ афсусдаман, – деди аёл, – охириги йилларда у тўлиқсиз иш қунида ишлаётган-ди, чунки касал эди. Беш ҳафта олдин у вафот этди...”

Гушакни қўяётганимда суҳбатдошим сўраб қолди: “Бир дақиқа, сизнинг исмингиз Полми?”

– “Ҳа”.

“Яхши, унда сизға Сэлли хабар қолдириб кетган. У телефон қилиб қолишингиз мумкинлигини ўйлаб шундай қилганди. Бу хабарни сизға ўқиб беришимға рухсат берсангиз. Бу ерда шундай ёзилган: “Унга айтингки, мен ҳалиям қўйлаб учун бошқа оламлар бор, дейман. У нима демоқчилигимни ўзи билиб олади”.


Мен аёлға раҳмат айтиб, гўшакни жойиға қўйдим. Ҳа, Сэлли нима демоқчи бўлганини тушунганим. Бошқаларда қолдиришингиз мумкин бўлган таассуротларингизни ҳеч қачон камситманг. Бу билан сиздан шуну сўрамоқчиманки, инсон бошқа кимнидир ҳаётини қанча ўзгартириш қила олиши мумкинлиги ёдингизда турсин!

Инглиз тилидан Муҳаббат Шарифова таржимаси.

БУ ҚИЗИҚ!

ТАСОДИФАН КАШФ ЭТИЛГАН ИХТИРОЛАР

МИКРОТЎЛҚИНЛИ ПЕЧ



Машхур тадқиқотчи Перси Спенсер ихтиро учун 120 дан ортиқ патент олган, дунёдаги ҳарбий саноат комплексининг энг йирик компанияларидан бири “Raytheon” ҳодими тасодифан микротўлқинни яратувчиси бўлди.

СУПЕРМАРКЕТ АРАВАЧАСИ



Савдогар Свон Голдман 1936 йилда биринчи харид қилиш саватини ихтиро қилди. Голдман Оклахома-Сити шаҳридаги йирик озик-овқат дўконининг ағаси эди.

РЕЗИНКА

1844 йилда ихтирочи Чарлз Гудийр (Гоодеар) тасодифан иссиқда бўшашиб кетмайдиган, аёзда эса қотиб қолмайдиган резина тайёрлаш усулини кашф қилди.

ДИНАМИТ

Альфред Нобель нитроглицерин моддасининг кучини пасайтириш учун унинг устида тажриба бошлади. Шунда у эҳтиётсизлик қилиб тайёр бўлган қоршмани ерга, анироғи, тахта устига тўкиб юборди.

МУҲИМ ЭСАЛТМАЛАР УЧУН ҚОҒОЗ (POST-IT NOTES)

Ёпишқоқ қоғозлар елимнинг чидамлилигини ошириш бўйича муваффақиятсиз тажриба натижасида пайдо бўлган. 1968 йилда “3М” илмий-тадқиқот лабораторияси ҳодими ёпишқоқ ленталар (скотч) сифатини яхшилашға ҳаракат қилган.

Интернет материаллари асосида Маркс ЮСУПОВ тайёрлади.

REKLAMA. ФЕрмер ва деҳқон хўжаликлари, томорқа ер эгалари диққатига! «Чирчиқ қишлоқ хўжалиги техникаси заводи» АЖ. Қуйидаги қишлоқ хўжалиги техникалари сотилишини маълум қилади: Манзил: 111714, Тошкент вилояти Чирчиқ шаҳри Алишер Навоий шоҳ кўчаси 92-уй. Мурожаат учун телефонлар: (+998 70) 716-21-58, (+998 97) 737-68-15.

Qishloq hayoti. МУАССИСЛАР: Ўзбекистон Республикаси Вази́рлар Маҳкамаси таркибидеги ҳамда бошқа дахлдор вази́рлик ва идоралар.

Бош муҳаррир: Чори ЛАТИПОВ. Ҳабиб ТЕМИРОВ (Бош муҳаррир ўринбосари). Раимқул СУЯРОВ (Бош муҳаррир ўринбосари).

ТАХРИР ҲАЙЪАТИ: Жамшид ХЎЖАЕВ, Шавкат ҲАМРОЕВ, Шуҳрат ТЕШАЕВ, Муҳаммадjon ТУШБОЛТАЕВ, Ақтам ХАИТОВ, Ботир СУЛАЙМОНОВ, Маҳмуд ТОИР. Саҳифаловчи-дизайнер: Маркс ЮСУПОВ

Ўзбекистон Матбуот ва ахборот агентлиги томонидан 2009 йил 13 февралда № 0020-рақам билан рўйхатдан ўтказилган. Буюртма Г-1125, ҳажми 2 босма табоқ. Офсет усулида босилди, қоғоз бичими А-2. Манзилимиз: 100000, Тошкент, Матбуотчилар кўчаси, 32-уй. 1 970 нусхада чоп этилди. НАШР ИНДЕКСИ – 144. Телефонлар: Қабулхона – 236-26-50. Аграр масалалар бўлими – 236-26-47. Хатлар ва жамоатчилик билан алоқалар бўлими – 233-76-78. Факс – 233-44-43, 233-09-93. Реклама ва эълонлар – 236-26-50, 233-28-04. e-mail: info@qishloqhayoti.uz. Газета “Шарқ” нашриёт-матбаа акциядорлик компанияси босмаҳонасида босилди. Манзили: “Буюк Турон” кўчаси, 41-уй. 1 2 3 4 6

Баҳоси келишилган нарҳда. ISSN 2010-7021. Босишға топшириш вақти: 21.00. Босишға топширилди: 19.30